



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:02-011- 1034/'03
Sarajevo, 18.07.2003.god.**

ZAPISNIK

**10. sjednice Doma naroda Parlamentarne skupštine Bosne i Hercegovine,
održane 18. jula 2003.god.**

Sjednica je počela s radom u 11,05 sati.

Sjednicom je predsjedavao Velimir Jukić, predsjedavajući Doma naroda Parlamentarne skupštine Bosne i Hercegovine.

Na sjednici je bilo prisutno 14 delegata.

Delegat Halid Genjac je opravdao izostanak.

Osim delegata na sjednici Doma naroda bili su prisutni: predstavnici Vijeće ministara, predstavnici međunarodnih organizacija, pozvani gosti i predstavnici sredstava javnog informisanja.

Nakon diskusije u kojoj su učestvovali: Hasan Čengić, Tomislav Limov, Osman Brka i Nade Radović jednoglasno je usvojen sljedeći dnevni red kao i zaključak da se delegatska pitanja Osmana Brke i Tomislava Limova uvrste u dnevni red sljedeće sjednice

DNEVNI RED

1. Odgovori na delegatska pitanja i delegatska pitanja
2. Usvajanje zapisnika 8. i 9. sjednice Doma naroda Parlamentarne skupštine BiH
3. Izjašnjavanje Doma naroda o Izvještaju Zajedničke komisije oba doma o postizanju sporazuma o istovjetnom tekstu Zakona o izmjenama i dopunama Zakona o izbjeglicama iz BiH i raseljenim licima u BiH
4. Zakon o kretanju i boravku stranaca i azilu – drugo čitanje, predlagač Vijeće ministara
5. Zahtjev za razmatranje Prijedloga Zakona o Vijeću ministara BiH po članu 100. Poslovnika Doma naroda – predlagač Vijeće ministara
6. Opšti pravci i prioriteti u sprovođenju vanjske politike Bosne i Hercegovine – predlagač Predsjedništvo BiH
7. Plan mjera i radnji na poboljšanju sigurnosne situacije u BiH – predlagač Vijeće ministara
8. Izvještaj o radu komisije za vanjsku i trgovinsku politiku Doma naroda za period februar – maj 2003.godine
9. Prijedlog odluke o ratifikaciji Sporazuma o unapređenju i zaštiti investicija između Bosne i Hercegovine i OPEC Fonda za međunarodni razvoj – predlagač Predsjedništvo BiH

10. Davanje saglasnosti za otkazivanje bilateralnih sporazuma između Bosne i Hercegovine i Republike Češke – predlađač Predsjedništvo BiH
 - a. Trgovinskog sporazuma između Vijeća ministara BiH i Vlade Republike Češke od 20. januara 2000. godine,
 - b. Ugovora o trgovini o plovidbi između Kraljevine Srba, Hrvata i Slovenaca i Republike Čehoslovačke, od 14. novembra 1928. godine i
 - c. Dogovora o saradnji na suzbijanju povreda carinskih i deviznih propisa, od 12. novembra 1976. godine
11. Davanje saglasnosti za ratifikaciju Opšteg sporazuma o povlasticama i imunitetima Vijeća Evrope, Pariz 2. septembra 1949. godine i Protokola od 6. novembra 1952. godine – predlađač Predsjedništvo BiH
12. Prijedlog odluke o ratifikaciji Sporazuma o razvojnom kreditu "Projekat razvoja male komercijalne poljoprivrede" (Kredit br.3742) između Bosne i Hercegovine i Svjetske banke – Međunarodne asocijacije za razvoj (IDA) – predlađač Predsjedništvo BiH
13. Izvještaj sa Proljetnog zasjedanja Parlamentarne skupštine NATO Saveza
14. Izvještaj o Finansijskom poslovanju JP NIO Službeni list
15. Informacija o aktivnostima na pripremama izgradnje auto ceste koridor V C

Ad-1: Odgovori na delegatska pitanja i delegatska pitanja

U diskusiji su sudjelovali: Goran Milojević, Tomislav Limov i Ante Spajić.

Odgovore na delegatska pitanja dobili su delegati: Velimir Jukić, Tomislav Limov i Goran Milojević.

Klub hrvatskih delegata je postavio sljedeća pitanja:

1. Šta Vijeće ministara kani učiniti vezano za pokušaj OHR-a i OSCE-a da organizuje nastavu u Gimnaziji fra D. Mandić u Mostaru, suprotno Okvirnom zakonu o osnovnom i srednjem obrazovanju Bosne i Hercegovine, te Kantonalnom zakonu o osnovnom i srednjem odgoju i obrazovanju HNŽ?
2. Kada će Vijeće ministara osigurati uslove (i koji su to uslovi) po kojima će državljani Bosne i Hercegovine izlaziti na izbore uz pokazivanje indentifikacijskog dokumenta (osobna karta, pasoš,...), odnosno kada će izborna komisija sa lokalnom izbornim komisijom usaglasiti biračke popise kako bi izbjegli registrovanje građana skoro svake godine?
3. Koliko je ugovoreni iznos s izvođačem radova na 11.km Autoceste Sarajevo – Ilijaš, a koliko je stvarno isplaćeno – konačno?

Ad-2: Usvajanje zapisnika 8. i 9. sjednice Doma naroda Parlamentarne skupštine BiH

U diskusiji je učestvovao Branko Zrno.

Dom naroda jednoglasno je usvojio Zapisnik 8. i 9. sjednice Doma naroda

Ad-3: Izjašnjavanje Doma naroda o Izvještaju Zajedničke komisije oba doma o postizanju sporazuma o istovjetnom tekstu Zakona o izmjenama i dopunama Zakona o izbjeglicama iz BiH i raseljenim licima u BiH

Diskusija nije vođena.

Dom naroda je jednoglasno usvojio Izvještaj Zajedničke komisije oba doma o postizanju sporazuma o istovjetnom tekstu zakona o izmjenama i dopunama Zakona o izbjeglicama iz BiH i raseljenim licima u BiH.

Ad-4: Zakon o kretanju i boravku stranaca i azilu – drugo čitanje, predlagač Vijeće ministara

U diskusiji su učestvovali: Hasan Čengić, Velimir Jukić i predstavnik predlagača Dragan Mektić.

Dom naroda jednoglasno je usvojio u drugom čitanju Zakon o kretanju i boravku stranaca i azilu. Zakon je usvojen u istovjetnom tekst kao i u Predstavničkom domu.

Ad-5: Zahtjev za razmatranje Prijedloga Zakona o Vijeću ministara BiH po članu 100. Poslovnika Doma naroda – predlagač Vijeće ministara

U diskusiji su učestvovali: Branko Zrno i Hasan Čengić.

Dom naroda većinom glasova je usvojio da se Prijedlog zakona o Vijeću ministara BiH razmatra po članu 100. Poslovnika Doma naroda, nakog čega je Zakon jednoglasno usvojen.

Ad-6: Opšti pravci i prioriteti u sprovođenju vanjske politike Bosne i Hercegovine – predlagač Predsjedništvo BiH

U diskusiji su učestvovali: predstavnik predlagača Anto Grbić i Hasan Čengić.

Dom naroda jednoglasno je primio k znanju dokument "Opšti pravci i prioriteti u sprovođenju vanjske politike Bosne i Hercegovine uz sljedeći zaključak:

"Dom naroda Parlamentarne skupštine BiH sugerira predlagaču da sve sljedeće dokumente vezane za Opšte pravce i prioritete u provođenju vanjske politike Bosne i Hercegovine, pripremi u obliku nacrtu koji će se dostaviti Ministarstvu vanjskih poslova BiH i komisijama Parlamentarne skupštine BiH koje imaju u nadležnosti razmatranje vanjske politike, radi davanja sugestija na predloženi tekst kao i aktivnog sudjelovanja institucija u kreiranju ovih pitanja"

Ad-7: Plan mjera i radnji na poboljšanju sigurnosne situacije u BiH – predlagač Vijeće ministara

U diskusiji su učestvovali: Tomislav Limov, Hasan Čengić, Ilija Filipović i Nade Radović.

Dom naroda jednoglasno je usvojio Plan mjera i radnji na poboljšanju sigurnosne situacije u BiH uz sljedeće zaključke:

1. Da se Ministarstvo sigurnosti što prije kadrovski popuni i materijalno-tehnički osposobi za vršenje zakonom predviđene uloge.
2. Zadužuje se Vijeće ministara da zaključno s 9. mjesecom sačini cjelovitu informaciju o sigurnosnoj situaciji u Bosne i Hercegovini i plan mjera i aktivnosti, s rokovima i izvršiocima.

Ad-8: Izvještaj o radu komisije za vanjsku i trgovinsku politiku Doma naroda za period februar – maj 2003.godine

U diskusiji je učestvovao Hasan Čengić.

Dom naroda jednoglasno je usvojio Izvještaj o radu Komisije za vanjsku i trgovinsku politiku Doma naroda za period februar – maj 2003.godine

Ad-9: Prijedlog odluke o ratifikaciji Sporazuma o unapređenju i zaštiti investicija između Bosne i Hercegovine i OPEC Fonda za međunarodni razvoj – predlagač Predsjedništvo BiH

Diskusija nije vođena.

Dom naroda jednoglasno je dao saglasnost za ratifikaciju sporazuma o unapređenju i zaštiti investicija između Bosne i Hercegovine i OPEC Fonda za međunarodni razvoj.

Ad-10: Davanje saglasnosti za otkazivanje bilateralnih sporazuma između Bosne i Hercegovine i Republike Češke – predlagač Predsjedništvo BiH

- a. Trgovinskog sporazuma između Vijeća ministara BiH i Vlade Republike Češke od 20. januara 2000.godine,
- b. Ugovora o trgovini o plovidbi između Kraljevine Srba, Hrvata i Slovenaca i Republike Čehoslovačke, od 14. novembra 1928. godine i
- c. Dogovora o saradnji na suzbijanju povreda carinskih i deviznih propisa, od 12. novembra 1976. godine

Diskusija nije vođena.

Dom naroda jednoglasno je dao saglasnost za otkazivanje bilateralnih sporazuma između Bosne i Hercegovine i Republike Češke

- a. Trgovinskog sporazuma između Vijeća ministara BiH i Vlade Republike Češke od 20. januara 2000.godine,
- b. Ugovora o trgovini o plovidbi između Kraljevine Srba, Hrvata i Slovenaca i Republike Čehoslovačke, od 14. novembra 1928. godine i
- c. Dogovora o saradnji na suzbijanju povreda carinskih i deviznih propisa, od 12. novembra 1976. godine

Ad-11: Davanje saglasnosti za ratifikaciju Opšteg sporazuma o povlasticama i imunitetima Vijeća Evrope, Pariz 2.septembra 1949.godine i Protokola od 6. novembra 1952.godine – predlagač Predsjedništvo BiH

Diskusija nije vođena.

Dom naroda jednoglasno je dao saglasnost za ratifikaciju Opšteg sporazuma o povlasticama i imunitetima Vijeća Evrope, Pariz 2.septembra 1949.godine i Protokola od 6. novembra 1952.godine.

Ad-12: Prijedlog odluke o ratifikaciji Sporazuma o razvojnom kreditu "Projekat razvoja male komercijalne poljoprivrede" (Kredit br.3742) između Bosne i Hercegovine i Svjetske banke – Međunarodne asocijacije za razvoj (IDA) – predlagač Predsjedništvo BiH

U diskusiji su učestvovali: Zoran Spasojević, predstavnik predlagača Ante Grbić, predstavnik Vijeća ministara Momir Tošić, Mustafa Pamuk, Osman Brka i Velimir Jukić.

Dom naroda jednoglasno je dao saglasnost za ratifikaciju sporazuma Prijedloga odluke o razvojnom kreditu "Projekat razvoja male komercijalne poljoprivrede" (Kredit br.3742) između Bosne i Hercegovine i Svjetske banke – Međunarodne asocijacije za razvoj (IDA) uz sljedeći zaključak:

"Dom naroda Parlamentarne skupštine BiH traži da se prilikom plasmana sredstava iz Sporazuma o razvojnom kreditu "Projekat razvoja male komercijalne poljoprivrede" (Kredit br. 3742) između Bosne i Hercegovine i Svjetske banke – Međunarodne asocijacije za razvoj (IDA) obavezno raspiše javni tender i prikupe ponude, te odabere najpovoljniji ponuđač.

Ad-13: Izvještaj sa Proljetnog zasjedanja Parlamentarne skupštine NATO Saveza

Diskusija nije vođena.

Dom naroda jednoglasno je usvojio Izvještaj sa Proljetnog zasjedanja Parlamentarne skupštine NATO Saveza

Ad-14: Izvještaj o Finansijskom poslovanju JP NIO Službeni list

U diskusiji su učestvovali: predstavnik JP NIO Službeni list Mehmedalija Huremović, Zoran Spasojević, Boško Šiljegović i Hilmo Neimarlija

U diskusiji delegata Boška Šiljegovića konstatovano je da je nacionalna struktura zaposlenih nepovoljna na štetu Srba i Hrvata.

Dom naroda je većinom glasova primio k znanju Izvještaj o Finansijskom poslovanju JP NIO Službeni list.

Ad-15: Informacija o aktivnostima na pripremama izgradnje auto ceste koridor V C

U diskusiji su učestvovali: savjetnik u Ministarstvu komunikacija i transporta, Izet Bajrambašić, Anto Spajić, Osman Brka, Mustafa Pamuk, Goran Milojević, Nade Radović, Branko Zrno, Hilmo Neimarlija i Velimir Jukić.

Dom naroda jednoglasno je primio k znanju Informaciju o aktivnostima na pripremama izgradnje auto ceste koridor V C uz sljedeći zaključak:

"Zahtjeva se od Vijeća ministara Bosne i Hercegovine da u skladu sa Zakonom o koncesijama Bosne i Hercegovine, što hitnije dostavi Parlamentarnoj skupštini Bosne i Hercegovine prijedloge kandidata za članove Komisije za koncesije Bosne i Hercegovine kako bi Parlamentarna skupština Bosne i Hercegovine mogla imenovati članove Komisije".

Sjednica je završena u 16,20 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Velimir Jukić